



Atassut

UPA16/126

Siverth K. Heilmann

03.05.16

Kommunit tamaasa suleqatiginissaat aallartisarniaqqullugu, kommunillu akornanni naligiinnerulernissaq siunertaralugu iliuuseqarnissamut periarfissaasinnaasunik qulaajaanissaq, tamatumanilu kommunit ataasiakkaat suliassanik isumagisassaminnik aningaasaqarnikkut periarfissaat eqqarsaatigalugu, taamatuttaarlu iliuuserisassat pineqartut aningaasatigut allaffissornikkullu kingunerisassaat qulaajaqqullugit Naalackersuisut peqquneqarnissaattut Inatsisartut aalajangiiffigisassaannik siunnersuut. Qulaajaanissami aningaasatigut naligiissaarinnermut aaqqissuussineq atuuttoq ilaatinneqassaaq, taamaattorli taannaanaq killiffigineqassanngilaq.

(Inatsisartuni ilaasortaq Sara Olsvig)

ATASSUT sinnerlugu oqaaseqarninni aallarniutigalugu siunnersuuteqartoq Inatsisartunut ilaasortaq Sara Olsvig, Inuit Ataqatigiinneersoq qutsavigerusuppara kommunit akornanni naligiinnerulersitsinissaq pillugu aalajangiiffigisassatut siunnersuummik saqqummiussaqarnerannut.

ATASSUT-mit pingaartilluinnarparput aaqqissuusseqqinnerit aalajangiunneqartut ingerlanneqartullu pingaagata sapinngisamik innuttaasunut tamanut iluaqutigineqartussatut ingerlanneqartarnissaat. ATASSUT-ip politikkikkut tunngaviit pingaarnersaat tassaavoq, inuk qitiutillugu – tassa imatut paasillugu allaffissornikkut eqaannerusumik ingerlariaaseqarnissaq inuup pingaarnertinneqarnissaa siunertaralugu – allaffissorneq pingaarnernani inulli pingaarnertillugu!

Taamaattumik ukioq ATASSUT-mit qulequtaq manna sammillutigu oqaaseqartarnitsinni nuannaarutigisimavarput aamma Inuit Ataqatigiinniit takuneqarsinnaalersimammat pisariaqalersimasoq nunatsinni kommunit aaqqissuuteqqinneqarneranni naligiinnerusumik innuttaasut kiffartuunneqarnissaat siunertaralugu alloriaqqittoqartariaqarnera.

Taamaattumik ATASSUT-mit nuannaarutigaarput Naalackersuisooqatigiinnitsinni tamanna siunnerfeqatigiinnikkut suliaq tamanna aallartisarneqarsimalermat.



ATASSUT INATSISARTUNI

ATASSUT-mit ilisimaarilluarparput nunatsinni taama siamasitsigisumi inooriaasitsinni atugassarititaasut assigeeqqissaarsinnaannginneri, taamaattorli tunngaviusumik innuttaasut pisortanit kiffartuunneqarnitsigut assigiimmik pineqarnissaq avaqunneqarsinnaanngilaq. ATASSUT-milu isumaqarpugut kommunit kattussuuneqarnerisigut siunertarineqanngitsumik innuttaasut kiffartuunneqarnermikkut assigiinngippallaartumik atugassaqaartitaalersimani tusagassiutitigut aammalumi qinikkanik naapitsisarnitsinni tusartuartsimasavut iliuseqarfigineqanngiinnarsinnaanngitsut.

Taamaattumik ATASSUT-mit nuannaarutigarpur Naalakkersuisooqatigiinnitsinni ilaatigut Nuna tamakkerlugu Nassuiaat 2016-mi aammalu ukiamiit aallartilluarneqartussamik Nalimmassaanermit aaqqissuussineq nutaaq 2019-miit atuutilersussaq aqutugalugit suliat aallartissimammatigit.

Taamatut ATASSUT-mit aalajangiiffigisassatut siunnersuut oqaaseqarfigalutigulu, Naalakkersuisut siunnersuummut akissuteqarneranut oqaaseqaatai tusaatissatut tigullutigit ilalerpavut. Siunnersuutip matumap Inatsisartuni oqallisigilluarneqarnissaanut peqataassaagut aammalu ATASSUT-mit innersuussutigissallutigu Inatsisartuni partiit tamarmik peqataaffigisaannik Inatsisartut ataatsimiititaliaannut susassaqaartuni oqallinneq ingerlanneqarluarumaartoq.

Qujanaq!